

江都縣志卷之五

江都縣知縣五格黃湘重修

學校書院義學附

學校之設三代時士與民同教者也後世則專以造士然正誼明道所由不愧於聖人之門而通經足用無諂於儒效之闊踈者胥於是乎在江都為文物之邦建學歷數百年矣道則不變化且日新為詳紀其規制使瞻美富者知所感發而興起焉志學校

學以明倫膠庠之制大脩於古自

江都縣志 卷之五 學校

宣聖為萬世之師歷代因立廟以祀謂之曰學宮漢唐盛時天下猶不能皆立學宋天聖間始詔建夫子廟於各州軍而其時亦未能遍江都之有學也自紹興十二年州守許中建州學於英纏坊縣學附焉明洪武七年知縣吳啟訓導崔宗武度地於縣北開明橋西駱駝嶺乃專立江都縣學形家謂嶺脉發於蜀岡隆起為風氣所聚故建學於此二十七

年知縣丁師尹訓導胡滿建殿堂齋廡宣德八年知縣謝必賢繕葺之正統三年兩淮鹽運使嚴正倡建崇文閣後知縣陳驥重修五年巡按御史郭觀拓學西南古大悲寺故址建射圃等廢景泰五年巡按御史婁濬復

之同知蔡堅建觀德亭成化六年崇文閣燬知府鄭岑
卽其址建講堂五楹巡鹽御史王驥拓地建號舍二十
八間七年巡按御史董韜重建大成殿東西廡戟門櫺
星門並繪塑廟像九年知府周源倡剏明倫堂正心誠
意二齋及學倉知縣陳雲翼建饌堂庖舍學門訓導宅
十年巡按御史王鑰重修建教諭宅國子祭酒王俱有

記記今不存十六年知縣董豫立江都縣學進士題名碑大

學士記曰自黃帝正名百物以後有一物必生而長留於天地之間所以然者有聲音文字以寓之
蓋聲音文字根於心出於口而具於點畫之間著於簡
冊刻於金石者百世猶一日也自唐以來始有題名記
盛於宋而極於本朝故事凡登進士第刻其名於石列

江都縣志 卷之五 學校 二

於太學而天下郡縣士有登甲科者亦列其名於學宮
焉江都揚州附郭邑自昔稱揚一益二天下州郡之盛
揚州爲最揚州屬邑江都爲最是以人才之生江之北
淮之南者以是邑爲稱首雖然士生民中猶人生物中
也天地間物生多矣然一物有一名名同而物無不同
者惟人之生同一形體也而人之名則人人殊一人有
一名千萬其人則千萬其名以至於億兆皆然自有此
邑以來人生其間者何止億萬之億萬兩名存於世也
萬不一二焉漢以前不暇論也自唐以後揚州戶口見
於史者在唐戶七萬七千一百五口四十六萬而人士
之有名列傳者曹憲王紹宗李邕李鄴及鄴孫礪僅五
人焉在宋戶五萬六千八十五口十萬七千而人士之
有名列傳者孫洙呂溱輩不過十數人焉而止彼生而
具人形書於版籍登於天府者人人有一名也人呼之
而已應之久而至六七十年遽已與草木同漸盡矣而
唐宋此數十人者夫何朝代數更而其名恒若生哉託
之聲音文字之間然也然其所以得託於聲音文字間
而有以爲不朽之傳者是豈無其故歟穆叔有言太上
立德其次立功其次立言是三物者所以壽其名於不
朽之具也江都縣學自洪武乙丑開進士科以來登名

黃甲者往往有之然未有爲之題名者今知縣事會稽董君豫以名進士來尹於茲謂爲政以人才爲先治民以法不若以教報國以身不若以人思所以作興其人才俾其知所以奮發出而爲國家之用視事未久卽白於巡撫都憲張公督學御史婁君太守揚君命工礮石題前進士之名以爲後進士之勸乃走書京師以記來請余故舉穆叔之言俾勒諸貞石以示江都之士雖然德也功也言也實之謂也而能立之則名在焉有其實斯有其名徒有其名而無其實後之人將指其名而責以實實無而徒名之有不若無之爲愈也無實之名非惟人不吾堪造物者亦將不嘉靖四年巡鹽御史戴金吾堪矣可不畏哉可不勉哉

擴學基增修之禮部尚書湛若水爲之記

記曰惟嘉靖四年龍山戴

侍御君純夫巡茲淮揚鹽政振舉百廢具興於是泚江都修文考學慨教基之圯隘若將就敝乃捐貲醵二千八百有奇俾郡守易侯瓚董修之旣訖工教諭劉進修携玉羅二生謁記於甘泉子曰夫學必有基其基之不宏則如之何曰侍御憫學基之隘陋買南向東首之地二十餘丈以拓廣之前暨泮池廣視戟門焉其

江都縣志

卷之五

學校

三

亦宏而濬矣曰其堂殿廡齋號舍之圯則如之何曰修大成殿者七楹爲間者五展兩廡稱之乃修明倫堂其爲楹如殿之數又修講堂凡爲楹如堂之數官廨改爲者三號舍則修舊者二十有八增修者十有八立二坊於前街左曰彙教右曰英纏其廣而華矣曰其窻牖之壞則如之何曰飾其窻牖者若干啟其戶牖者若干以通入方之明然而達矣曰其門路之茅塞則如之何曰爲大門者四楹於東方其爲間者三道由門而入以達殿堂齋舍之奧然而闢矣曰其楹桷陶瓦之靡敝則如之何曰增其楹者若干其爲椽桷陶瓦者若干其漫漶朽腐者易之塗其丹雘而新之然而旣麗矣甘泉子仰而嘆曰聖人之道我罔或敢知雖然昔夫子亦嘗譬之堂室矣其門弟子嘗譬之宮墻宗廟矣然則以學宮而譬諸聖道不亦可乎曰請聞焉曰夫子之道仁以爲廣居忠信以爲基禮義以爲門路智以爲淵池高明以爲堂睿思以爲窻牖貞幹以爲楹道藝以爲椽桷陶瓦墜塗丹雘然則忠信禮義之壞也仁智睿貞之圯也道藝之敝也則將如之何曰修之曰夫敝而後有修修也者修其敝者也忠質文三者三代時治之隆者也其易而異尚也所以修敝也故夏忠之敝也野商不得不修

之以質商質之做也陋周不得不修之以文及周文之
做也偽道藝舉選之法不行我聖皇不得不修之以舉
業夫舉業者我聖皇之所以教人德與業本末體用兼
致者亦時治之隆也故能者養其德以達諸業不能者
溺於業以亡其德養非其用用非其養是故德與業離
而學之做也久矣易窮則變變則通今欲修之必自二
業合一始矣二業合一則仁智睿貞忠信禮義之道存
而道藝舉選之法在其中矣二業合一自敬始敬立而
德與業混矣德與業混則風俗正而賢才出矣二三子
其能與予二業合一之訓乎劉君喜曰論修學得修學
之道謹拜受以復諸郡侯邑尹

九年詔改大成殿曰

先師廟戟門曰文廟之門十八年巡鹽御史吳悌知府
劉宗仁鑿泮池於櫺星門外既而堙之列儲胥焉三十
一年知府吳桂芳以講堂湫隘改建尊經閣如崇文之
舊三十七年颶風壞殿西南角及東西兩廡廟門其明
江都縣志

卷之五 學校

四

桂芳副使葉觀爲之記

吳記曰江都漢分封諸王地也

棄六籍坑毀儒生天下蕩然日馳逐功名之途而不復
知有孔孟仁義之道漢興蠲秦法弛挾書之禁鄒魯章
縫之士稍稍出其闕簡緒編以相授受然未有灼然明
於聖賢正傳以繼遺響於幾絕者也至孝武朝河間董
仲舒始倡明正誼明道之學事易王於江都於是海內
之士聳然易聽轉相發明正學賴以復闢而江都爲最
先被澤之地流風逸韻踰久彌光士生其鄉可不謂尤
幸哉自易王廢後江都改爲縣縣必有學自漢迄今未
之有改也顧久而圯圯而振者數矣我明嘉靖壬子余
自客部尚書郎來守是邦觀茲廟貌傾頽號宇榛莽深
用祇懼爰請於巡按侍御成公督學侍御趙公得贖金
數十鍰經始修葺已乃懸格風義關中黃商煥者願捐
千金爲助且請身任其成踰月之間大工告集工既訖
功文學揚作舟輦率諸生以記請予惟正學不明功利
誇詡之習入人之深牢不可破士修於家父兄之所期
待師友之所講習鮮不以進取爲功通顯爲榮比乘時

列服遂往往務擇其私已便身者居之至所謂懷仁義以事君父者曷其不多得也豈非教之不先率之未預致然哉昔孔子論仁曰先難後獲其言事君也亦曰敬其事而後其食夫仕與學皆致嚴於義利之辨也如此諸士生長江都逢醕儒倡道之鄉矧遭際明時當聖人禮樂大興之會惟茲黌宇肇新之後昕夕誦法姑置遠紹第舉所飲聞習聽董子正誼明道不謀利計功之訓相與矢志殫思躬體而允踐之他日出而致身巖廊履仁服義爲忠臣爲孝子以益恢大江都而媿光前哲茲豈非建學造士者至榮哉黃商言利者不惜重貲以贊營作豈亦聞正誼之風而興起者耶余不佞因揚文學輩之請卽以諸士所雅聞者爲諸士勗若夫修舉之次規制之詳具見憲副葉省菴先生記中故不論葉記日江都儒學之基古名駝嶺地氣之鍾秀也其學舍頽敗而弗葺者久矣惟茲嘉靖壬子之秋新建自湖吳公適以春官大夫慎簡於衆擢守揚郡下車卽禮士而親儒重民務明學政提綱絜領百度次舉以故教諭泰和楊君作舟訓導電白李君一鰲桐廬姚君旦首以修學議上公聞其請欣然往視之見其頽則惻然亟修之經費集工運木鑿石創立尊經閣於堂之北規模隆然而

江都縣志

卷之五

學校

五

雄峙人才之盛於先有光續以工力之費令示郡衢而借力於民有黃生煥者毅然應命願以千金供用公嘉其義而旌之於是先師殿宇及左右廊舍葺其腐墨易其撓折一聖四配十哲兩廡之神座一洗而新之明倫堂舊隘於升降乃益以軒五架赤白青綠布其文彩畫宇雕梁煥乎其章也正心誠意二齋啟聖祠會膳堂東西號房三十楹官衙三所其棟宇楠檻牖戶垣墻蓋瓦級輒之屬凡頽而壞者補葺其半腐而沒者創建其全外及庠門與賢育才二坊皆緝而華之蔚乎其有成功焉夫世之牧郡者孰不曰簿書征科其職也公以經濟之才初政不遑他務而鼎新學校若此其度越諸郡哉矧其制作無侈前人有啟後瞻德譽之美流播來學而黃生之名亦賴以榮上下感應之理可誣耶然公明刑弼教律已繩下節用愛人尊賢使能他政可法種種其殷民之畏威而懷德當有大且久焉者新學云乎哉縣令劉君宗堯嘗修櫺星門一座咸視厥成者也工完三君子將公之命率諸生朱子偉紀子文光樊子璋許子科造觀廬而請文以紀其事觀也僭且忘其陋而記之

國朝學制如舊康熙十九年巡鹽御史郝浴重修學宮二

十三年教諭許維樾訓導汪和中重修尊經閣文峯閣
學宮外周以垣東西設圈門雍正七年教諭袁載錫募
修九年析江都置甘泉縣儒學則並附江都十三年

詔天下學宮有圯敝者所在官司動正供修治邑人汪光祿

應庚以郡縣學皆漸敝補葺未足以持久遠不勞公帑
自捐銀五萬兩有奇撤內外鼎新之

聖像及配哲像皆令善工摹肖 闕里歷三年而後功

成雖曰繕修實則重建郡守高士鑰為礮石紀其事

學校為王政之本致治之盛衰視其學之興廢依古以

來未之或爽也我國家統一車書重熙累洽謹庠序之教風俗淳美而人

才衆多詩書禮樂之澤直比隆於三代極盛之時而所

江都縣志

卷之五

學校

六

以加意於學者上作則下應邦之賢士大夫亦往往與
有力焉揚州為人文淵藪有夫子廟二一繫之府一則舊屬江都今析置甘泉合兩
邑之博士弟子釋奠釋菜以時弦誦於其中是謂三學
溯其始建閱今踰三百年歲久漸圯余來守是邦禮謁
之初卽汲汲以重新為已任顧經費浩博謀所以鳩工
庀材者未得也雍正十三年

世宗憲皇帝

詔天下郡縣學宮所在官司支正供修葺伏讀

德音不勝踴躍方思及時趨事以副

明旨會郡有光祿少卿汪君應庚者起而請曰某世服儒業

昔先人蓋嘗有意宮墻願勸美富矣今

具牘請諸臺省檄下曰可光祿欣獲厥志罔憚其勞梗

柁甓甃之運連檣江湖填圻斤削之勤靡間寒暑經始

於乾隆丙辰訖已未歷三年餘而後有成棟宇峻整

序枚實自大成殿明倫堂尊經閣啟聖祠旁及齋居之

所師儒之廨鄉賢名宦之祠無不美輪奐美奐閣耀以新

而重門週垣則有容有翼稱廟制焉外之仰焉而婦麗

者曰文樓曰魁閣內之履焉而寬廣者曰園橋曰泮沼

八子

凡皆更其敝陋增修而式廓之蓋其經營者脩矣更念
衮衣章甫圖象未必惟肖特諮善工往摹諸闕里俾萬
世之仰瞻者儼乎其親聖人之警欬也功不尤偉且大
乎是後也計費至五萬金有奇而學宮之崇壯遂爲東
南冠其祭器樂器並製如魯廟堂之式所費亦二千金
有奇光祿且謂慮弗周於有終功難俾其勿壞雀鼠之
穿漏風雨之飄搖此未當諉爲異人事復出橐金一萬
三千兩有奇購城南良田一千四百九十八畝零輸諸
公以歲入之租爲繕修費其贏羨者則籍而儲之賓興
以俟寒暖此事關學校咸取給焉其思深惠溥又如此
嗚呼世之擁厚實者蓋有之矣離齷者無論已彼所稱
樂善好施者但致力於琳宮梵刹以冀福田利益耳於
學校未嘗過而問也或者承有司之敦勸苟且塗飾要
不過枝梧目前而止若光祿者內行修謹淵懿樸茂實
有得於聖人之教而賢嗣比部郎起又以采藻邑庠不
忘所自喬梓同懷堂構交贊故能舉三百年鄉士大夫
所不能爲之事肩而荷之殫思竭慮謀及久遠豈非知
所當務有足以風示無窮者歟新學成仍具牘申報前
大中丞張公上其事於朝奉
言交部議敘余既喜膠庠聿新從此兩邑俊髦靡不奮興鼓

江都縣志

卷之五

學校

七

聖朝

舞爭自濯磨以上贊
王化之隆而其告功之始末則不可以使後世無所考
也因爲之記而勒諸石

宮牆中照壁週牆箴以朱欄左石坊曰禮門右石坊曰

義路東西牆側各立下馬石牌

文廟門舊曰戟門內泮池跨石橋三東西各有井

櫺星門

先師廟卽大成殿也康熙二十三年頒

御書萬世師表額雍正三年頒

御書生民未有額殿中祀

至聖東西四配復聖顏子宗聖曾子述聖子思亞聖孟

子次十哲先賢閔子損冉子雍端木子賜仲子由卜子商冉子耕宰子予冉子求言子偃顓孫子師康熙五十一年

特旨升祔先儒朱熹於十哲之次改題其主曰先賢雍正三年

詔郡縣學春秋丁祭增用太牢乾隆元年

特命國學文廟易蓋黃瓦以昭崇敬三年准廷議奉

旨升有子若於十哲入殿東位卜子商之下移朱子熹於殿西位顓孫子師之下

東西兩廡祀先賢先儒康熙五十三年

江都縣志

卷之五

學校

八

特旨以宋范仲淹從祀稱先儒雍正三年

詔增先賢蘧瑗林放秦冉顏何牧皮縣亶公都子樂正克公孫丑萬章先儒鄭康成諸葛亮范甯尹焞黃幹陳淳何基魏了翁趙復許謙金履祥陳澥羅欽順蔡清陸隴其其東廡首蘧瑗西廡首林放列敘一百二十三人位次皆由

欽定乾隆二年廷議請復元儒吳澄從祀奉

旨欽依頒行直省郡縣各儒學復元儒吳澄神牌從祀以崇正學

東廡從祀先賢蘧瑗 澹臺滅明 原憲 南宮适 商瞿

漆雕開 司馬耕 有若弁巫馬施 顏辛 曹止

公孫龍 秦商 顏高 壤駟赤 石作蜀 公夏

首 后處 奚容蒧 顏祖 句井疆 秦祖 縣

成 公祖句茲 燕伋 樂欬 狄黑 孔忠 公

西蒧 顏之僕 施之常 申棖 左丘明 秦冉

牧皮 公都子 公孫丑 張載 程頤 先儒 公羊

高 孔安國 毛萇 高堂生 鄭康成 諸葛亮

王通 司馬光 歐陽修 胡安國 尹焞 呂祖

謙 蔡忱 陸九淵 陳淳 魏了翁 王栢 許

衡 許謙 王守仁 薛瑄 羅欽順 陸隴其 復祀

江都縣志

卷之五

學校

九

元儒 吳澄

西廡 從祀 先賢 林放 宓不齊 公冶長 公皙哀 高柴

樊須 商澤 梁鱣 冉孺 伯虔 冉季 漆雕

徒父 漆雕哆 公西赤 任不齊 公良孺 公

肩定 鄒單 罕父黑 榮旂 左人郢 鄭國

原亢 廉潔 叔仲會 公西輿如 邾異 陳亢

琴張 步叔乘 秦非 顏噲 顏何 縣亶 樂

正克 萬章 周敦頤 程顥 邵雍 先儒 穀梁

赤 伏勝 后蒼 董仲舒 杜子春 范甯 韓

愈 范仲淹 胡瑗 楊時 羅從彥 李侗 張

栻 黃幹 真德秀 何基 趙復 金履祥 陳
澔 陳憲章 胡居仁 蔡清

崇聖祠在大成殿後明倫堂東舊名啟聖祠雍正元年
特旨加封孔子五世王爵以昭尊崇之至意三年

詔改啟聖祠為崇聖祠增宋儒張廸從祀祠奉 肇聖王木

金父 裕聖王祈父 貽聖王防叔父 昌聖王伯夏

啟聖王叔梁公配祀先賢殿東西向顏氏無繇孔氏

鯉殿西東向曾氏點孟孫氏先儒東廡周輔成程珦蔡

元定西廡張廸朱松其位次俱由

欽定 凡春秋二祭先丁期行禮

江都縣志

卷之五

學校

十

祭器庫舊有庫在學署誠意齋久廢器亦殘缺無存雍
正四年知縣蔣鶴鳴率邑士徐嶠管宏進洪本仁等募
造祭器未幾復多遺失乾隆五年汪應庚補全並另建
庫貯之

銅香爐六座銅座一 共重一百七十觔 銅燭臺六
副 共重一百二十觔 銅洗二 共重三十觔 銅毛
血盆一重十六觔 銅雷罇一重二十二觔 銅山
罇一重二十三觔 銅雲罇一重二十二觔 銅犧
罇一重十五觔 銅象罇一重十八觔 銅龍勺一
重一觔八兩 銅爵一百六十二 共重三百二十四
觔 銅簋四十一 共重一百六十四觔 銅簋五十
二 共重二百八觔 銅劍二十二 共重四十四觔
銅登三 共重十觔 鐵香爐二十九座 鐵燭臺三
十九副 描金纍系籩豆三百七十二

樂器舊器久敝雍正四年知縣蔣鶴鳴等續製乾隆五

年邑人汪應庚修

銅編鐘十六口共重一百五十二觔有架 編磬十
六葉有架 琴六牀琴桌六張 瑟二有架 應鼓
一有架上具黃綾罩 鼗鼓二 麾幡二 搏拊二
旌節二架全 翟籥三十六副 敵一下有架 祝
一錠全 笙六攢鳳頭錫嘴全 笛六龍首鳳尾全
簫六管 篪二 塤二 笏板六 鳳簫二 升降
龍節二杆全

名宦祠在櫺星門東歷代從祀者共二十三人列傳具

名宦志

漢江都相董仲舒 宋江都主簿王琪 江都令

羅適 明江都學博馬晨 江都學博 文輝

國朝兵備副使周亮工 揚州府推官王士徵 兩

江都縣志 卷之五 學校 士

江總督于成龍 兩江總督馬鳴佩 揚州府知

府陞都轉鹽運使崔華 兩江總督傅臘塔 提

督學政許汝霖 江都縣知縣熊開楚 兩江總

督范承勳 提督學政張榕端 提督學政張泰

交 兩江總督郎廷極 提督學政張元臣 巡

鹽通政司使曹寅 提督學政余正健 督漕原

任揚州府知府施世綸 總督河道陳鵬年 江

蘇巡撫張伯行

鄉賢祠在櫺星門西歷代從祀者共三十七人列傳具

鄉賢志

漢處士應曜 晉吳中書侍郎盛彥 唐中書令
來濟 貞曜先主陳融 南唐內史舍人徐鉞
宋樞密直學士呂溱 太子少師張方平 顯謨
閣待制孫礪 徽猷閣待制王昂 史館修撰王
居正 敷文閣待制李易 寶章閣待制牛大年
秘理修撰李衡 元孝子李茂 明陝西左布政
使陳琰 雲南澂江府知府張冕 湖廣攸縣知
縣張曦 福建泉州府知府馬岱 戶部尚書贈
宮保高銓 廣東叅政左唐 兵部尚書三軌
刑部侍郎葉相 太僕寺卿盛儀 總制三邊贈
江都縣志

卷之五

學校

十三

國朝湖廣上荆南道叅政陳卓 贈中書科舍人程
銓 湖廣昆明縣知縣張瑾 贈黃州府知府許
承宗 工科掌印給事中許承宣 文學贈翰林
院庶吉士金玉節 文學贈翰林院庶吉士金奇
選 文學金彥選

忠孝祠在櫺星門西雍正二年奉

旨直省各府州縣衛立忠孝祠於學內每春秋官爲致祭時
有司據縣志彙書歷代孝子八十九人爲位祀之

漢吳奉 晉盛彥 高悝 宋瞿驥 元李茂

張緝 明王俊 王輅 嚴效 徐恩 栢英

王騫 王恁 趙宗普 楊守業 蕭惟堅 桑

履直 胡易 王自強 施錫 魏堯民 華時

茂 李相 華時中 朱蕙 俞廷薦 史光知

張大弼 寧華錦 彭以助 高天蔭 李之瑀

崔一鳳 蘇應芳 趙聚奎 胡芳 蘇眉鍾

汪有諾 張慶衍 陳世雍 程士珍 趙天澤

江都縣志 卷之五 學校 十三

倪嘉會 張文武 會夢帶 丁庚

國朝方立禮 金玉節 郝明龍 蕭日曠 張中

達 王賓 蔣垣 俞士瑄 車鳴和 方陳章

車映昌 仲儀 林中馨 高策 林中扃 閻

士彥 周之璠 黃士誠 汪三才 朱呈祉

吳士俊 管士俊 甯宗越 胡宗安 金天錫

梁崇 史行義 俞鑣 程國柱 吳遂 蘇汝

爵 郝玉三 蘇汝祿 陳道 蘇汝顯 黃琮

史鑛 江晉 高成琦 藍鍾華 王詢

貞節祠在學西偏雍正二年奉

旨直省各府州縣衛立節婦祠於學門外已故者進主入祠

每春秋官為致祭生存者刊名於碑以示風勸初祠甚

卑隘乾隆四年邑人金維紫購鄰舍擴之汪應庚改造

宏敞始稱表章其各姓氏及旌表年月具詳列女志

學署

大門舊額題江都縣學今改題

江都縣學

魁星樓在大門內舊分

南魁北魁

二樓後為居民所侵踞邑

貢士郭光修復之翰林方覲有記

記曰江都庠之有魁星樓也不詳所自始

按規制置學宮東南隅當青龍之位襟抱鞏密實利文風其與學並建無疑歲久僦為民居知者絕少學博士及弟子員新舊更遷於古制不遑考樓雖巋然聳峙而其匱神乏祀也殆不知幾歷年所矣康熙己酉冬鄉貢

江都縣志

卷之五

學校

十四

進士郭先生自瞻聞於故老尋求遺址排戶而入則前後兩樓棋處六姓神位移側向穢雜不堪先生正色開諭限日而遣之鳩工庀材扶傾補罅崇飾舊規樓得復新實先生力也先生江都人諱光入邑庠食廩餼三十年康熙戊午貢於

朝應

官學博未仕老於家郡邑守令聞其名延為鄉大賓以

重國典先生辭讓再三不獲止仍奉豆觴歸祀其先

人終不以善自居也先生生平辛苦力學淹貫百家而

尤精研於六經四子之書以崇正道嚴氣正性寡所交

權而能敦篤於孝友嫻睦之節以重人倫詆排異端攘

斥佛老梵宇琳宮足跡罕至而特恪恭於先聖先賢之

祀以尊聖脉蓋古所稱積學修行君子也先生為諸生

風節自好於當途畧無所干遇公正輒憤發不讓學宮春秋兩祀牲牲酒醴籩豆菹醢之屬經先生司事必誠必潔凡舊典所存尤力爭使勿廢尊經閣門戶窗櫺日久廢壞几筵供具缺失皆倡多士力新之修復魁星樓其一也樓復後二十餘年學之吏胥潛易古制改南樓北樓向時先生年已八十餘臥病榻屬其友人孫介菴先生自成代為葺治且以學前二井象鰲二目不宜閉其一令濬之又二十餘年魁樓復就圯先生諸子率其

門下士再繕修之工興於今壬辰秋八月一日兩閱月而告成事蓋繼先生疇昔之志也觀又考天宮諸書北斗四星魁餘三星爲杓所謂四星者曰樞曰璇曰璣曰權各有所主皆不係人事不應祀之學宮惟南斗六星有褒賢進士稟受爵祿之職其一曰天機南二星曰魁今所祀當在是學者欲祈爵祿占進退宜其祇而事也且江都古吳地正值南斗之首而斯樓拱峙時學宮則神之鍾祥於茲者必厚况以斯樓之廢興卜學校之衰盛尤都人士所不得不而忽者歟

土地祠在魁樓下

敬一亭舊在尊經閣後明嘉靖四十一年知縣趙訥移建於大門甬道左立碑六勒御製敬一箴東西勒先儒程子四箴後圯雍正四年知縣王元穉重建乾隆三年新修增麗焉

江都縣志

卷之五

學校

十五

儀門門右通大成殿

明倫堂肇始於明成化間今撤舊材改建崇壯有加兩廊之雜處者俱給貲他徙庠序肅然以清

東正心齋

西誠意齋俱久廢

尊經閣在明倫堂後卽崇文閣舊址乾隆元年奉

旨有尊經閣之處府州縣動用存公銀兩就近購買十三經二十一史諸書頒發交與各該學教官接管收貯令上子熟習講貫

頒貯十三經書目

周易一函

尚書一函

毛詩一函

周禮二函

儀禮二函 論語孟子二函 爾雅孝經一函
春秋二函 公羊一函 穀梁一函 禮記二函
乾隆三年又頒貯

御纂書目

周易折中二部 書經傳說彙纂二部 詩經傳
說彙纂二部 春秋傳說彙纂二部 四書講義
二部 朱子全書二部 性理精義二部
號舍舊在尊經閣側南北相向初二十八間後增十有
八間今俱久廢

教諭廨在明倫堂西

江都縣志

卷之五

學校

十六

訓導廨在儀門外東

射圃在學西偏久廢今貞節祠卽其故址

文昌井在明倫堂東

額設官役

教諭一員

訓導一員

今分領甘泉學事

學吏一名

門斗六

名今分二名屬甘泉學

齋夫三名

今分一名屬甘泉學

膳夫

無額設名數

生徒

學生二十名

三年兩貢

增廣生二十名

附學生舊制每歲

科試取童生十五名入學康熙二十七年增入學五名
雍正元年又增入學五名共二十五名武童歲科並試

入學十五名文武童之撥入府學者聽學使隨時取錄無定額雍正九年立甘泉學廩增額數及文武童入學名數俱分江都學之半

學田

明嘉靖八年巡鹽御史朱廷立知縣陶儼始置學田三百四十畝後陸續置入共學田一千二百五十畝七分五厘每年學租銀三百兩五錢一分七厘四毫八絲府學與江都學額分其半為廩生膏火禮生衣頂寒生賑給及修學宮之圯廢補祠祭之缺乏

國朝乾隆三年汪光祿應庚既修建兩學復為久遠計捐

江都縣志

卷之五

學校

七

金一萬三千一十九兩置良田一千四百九十八畝四厘二毫輸之學以田租變價繳府庫相兩學歲修所費支給其餘剩者簿積貯公於大比時分俵文武試士資斧呈請永著為例

舊學田城東手巾沙水田一百畝 天湖蕩田一百四十七畝 城南六淺水田三百十畝 高田二十畝 許家澳水田一百畝 凍青鋪水田一百六畝 分一厘 耿官營田三十畝 以上俱在江都境 城西石橋田四十一畝 大明寺田十一畝 甘泉山田五十二畝 城北黃子湖水田五十二畝 觀音寺田一百三十畝 五畝六厘七毫 八塔鋪田二十五畝 又一百二十畝 四畝九分六厘四毫 雷塘田十畝 沙家尖田十畝 江都縣殷家厦田十三畝 每年租銀本學徵收為春秋二祭僧生飯食之費

汪新置學田在江都縣界內瓜洲南圩河東計水田一千四百九十八畝四厘五毫其額徵租斗數目佃戶名籍有詳冊存府案

書院社學義學附

資政書院在府治東隅明成化間知府王恕建宏治間

知府馮忠重修南昌張元徵爲之記

記曰維揚郡廳事之良隅有隙地廣

袤數十丈今太子太保冢宰王公守郡時嘗構屋數楹於其處內置經史以爲燕息玩索之所取仕優則學之意揭名於其楣曰資政書院旣而慨茲郡自謝涇第進士來垂五十年無繼者豈曰乏才教化之未至耳乃銳以作興自任簡郡邑學弟子若干員居業其間每聽政暇親與講習而究其功程雖大寒暑不廢晝或奪於公務幕必如故事至夜分乃已飲食楮筆悉資之非朔望不得輒出門復考第優劣以獎其進而策其不進者由是衆皆勸勉以求不負所教而壞所履諸生亦靡不顯顯感奮或挾冊以講學或聞風以私淑登名甲科遂數

江都縣志

卷之五

學校

六

有其人矣公以治行第一遷江右方伯去嗣政者有舉有廢今守馮侯忠至旣景仰公之爲人復推原維揚士子之舉進士者若大叅張鼐憲副俞俊高銓憲僉止俊張銳李紀郡守馬岱監丞吳傑無慮十數人出科貢者若貳守張冕通守錢珏等無慮十數人魁多士於南畿則又有若張文魁多士於天下則又有若儲燿以爲凡此皆公作興造就之所及繼是以往又將亶亶不已焉是公教化之功前有以續甲科於數十年之墜後有以振斯文於無窮而茲書院豈可俾之廢而不葺又豈可俾之泯而不章於是聞於巡按侍御張公徵欲卽其處而宏其規將以紹公之志而綿公之休張公躍然矐之趣侯亟成且語侯曰公當代正人新天子之所毘倚吾儕賢大夫之所恃賴其在前朝忠言讜論有以彰聖德之能容者多矣人徒見公正氣勃勃正言巍巍其所建立軒轟炳煥重天下而聳四夸殊不知公皆自學問中來也觀茲書院之作與其所以名公之心何嘗一息忘乎講學抑其所以根柢乎政業者其深厚何如哉士類之作興造就特公緒餘耳官茲郡者欲躡公之蹟其必心公之爲人欲心公之爲人其必學公之所學卽茲書院可鑒已馮侯唯唯而退因或增其故或起其頽中爲

堂三楹左右廂各十楹外爲門一楹左右掖之以券廂各置書几於楹間以待學者肇工於宏治己酉之八月落成於是年之十月將礮石屬能文者表章之適余奉命選士南旋張公與侯各述其說以請復曰先生公一流人也記其毋辭余惟公之蹟固可紀而侍御公之樂成人美馮侯之克念前功皆可紀也况其所稱道又各知所重又俱可傳於是乎記俾鑱諸石

維揚書院在西門內仰止坊明嘉靖間巡鹽御史雷應龍建萬厯間巡鹽御史彭端吾修崇禎間巡鹽御史楊

仁愿重葺禮部尚書錢謙益爲之記

記畧曰維揚舊有書院作爲講堂學

舍延道德博聞之儒摠衣升堂昌明孔孟之道而鄉人子弟相與羣萃州處以爲講肄之地其來久矣萬厯中御史中州彭君來視鹽政憫其蕪廢修而作之祀董仲舒以後諸賢於其中高館會樓宏壯觀深故御史大夫鄒忠介公爲之記久之復廢後鹽使者泰和楊君愾然嘆曰豈可使講道之堂夷而爲長亭厨傳乎按其舊而

江都縣志

卷之五

學校

九

新之正其名曰維揚書院以書屬余曰願有記以繼忠介之後余惟日者講學之禁嘗嚴矣蓋發作於萬厯之中而浸淫于天啟之後迄於今講者熄禁者亦弛胥天下不復知道學爲何事夫其禁之嚴也鈞黨促數文網鏤急猶足以聳剔天下精悍之氣而作其隤阨是故逆奄之禍士大夫捐身以捍之而士氣率以勝及其禁之弛也天下皆鐫夷其廉隅吟嚙其頰舌頑鈍狂易集詆成風而刑辟不足以禁禦由是言之禁學之效可見於此矣自正心誠意之學不明而姚江良知之宗始盛儒者又或反唇而譏之然良知之言昉於孟子孟子曰無惻隱之心非人也無羞惡之心非人也無辭讓之心非人也無是非之心非人也分而言之曰仁義禮智其實則良知而已矣誠使良知之學講之有素知如是而爲人如是而非人也知如是而爲忠臣孝子如是而爲亂臣賊子也知如是而爲聖賢如是而爲禽獸也知湯之必灼也必不赴知火之必焚也必不蹈知塗炭之必隸爛也必不坐如是而士氣正而國亦有與立矣嗚呼聖人之言元氣也孟子之言藥石也姚江之言救病之急劑也南宋之世以正心誠意藥之而不效故有風痺不知痛癢之證今之世以惻隱羞惡辭讓是非藥之而不

效故有頑鈍狂易之證舍是而不知胗治則人心死矣痛在膏肓不可以復活矣用良知之學為急劑號呼惕厲庶幾其有瘳乎楊君今之有志於醫國者也當軍興倥偬征求旁午之會捨鹽鐵之策而修師儒講肄之事其必以為救世之務莫先於此歟

五賢書院在瓜洲鎮泗橋東合祀漢董仲舒宋胡瑗文

天祥李衡王居正明吏部郎王納諫有記

記曰嘉靖丁未本鎮諸生

喬薦江防東麓魏公詳請學憲象岡胡公建祠於城內合祀漢江都王相董公仲舒宋胡安定公瑗文信國公天祥樂菴李公衡竹西王公居正於正廳扁曰五賢祠又建數十楹為諸生會文所額設稅課司徵收本鎮南北西三門地租銀九兩有奇以供有司春秋祭祀餘作歲修之需迨庚申合川周公分守茲土公濂溪裔也集諸生講學於此見書院傾圮即捐俸修葺重建正廳為會文堂旁整書舍六間繚以墻垣令士人誦讀其中於是鎮之諸生始得正學焉隆慶己巳鳳崖陳公萬厯乙亥紹峯嚴公復相繼修飭乙酉閩中張公蒞任謁祠見

江都縣志

卷之五

學校

三

地勢卑濕廳堂不固方議改建後值風雨暴作潮入中堂墻垣頽敗相度演武場廢址境爽請諸當道鳩工庀材而更遷之建正廳五楹特祀五賢題曰風教堂景行堂旁為神厨餘建置精舍西有省牲二齋斯飛斯革鼎俶一新院後西南空地令民佃租每歲租銀一兩五錢充祠香火費壬辰歲復就圯巡按御史高公至目擊心傷思為世守計乃諭有司確查五賢子孫有無嫡派堪作養者移會提學世襲奉祀惟得安定後裔胡潮鳴給以衣巾令其世守祠祀夫五先生炳炳麟麟名垂天壤廟貌翼翼然即於昭之靈實式憑之為後人者庶幾善自砥礪無過佚前人光即多士講誦此中思其高風大節如或見之其亦是訓是行奉為居身之珍乎余游瓜渚瞻拜徘徊殊不禁高山仰止之思爰忘固陋為記大畧云

社學舊有四一在南門內一在西門內一在小東門內

一在大東門內宋嘉泰間教授喬行簡建明萬厯崇禎間兵備道熊尚文鄭二陽先後修葺

國朝康熙十三年知府金鎮復修今俱圮

課士堂在府治西舊名義學康熙五十一年知府趙宏煜建並置永安鄉陸家莊秧田二十五畝豆田十畝為歲修費及教學者膏火雍正四年知府孔毓璞復置再興洲稻田五畝五分益之內受業者初皆蒙穉十三年知府高士鑰改名課士堂延庠士之有文望者衡藝其中生童負笈者甚眾其堂郡守主之

邗江學舍即在課士堂前雍正十三年知縣朱輝購民舍立俾秀良之無力延師者就學其一切皆縣主之

用里學舍在城東缺口門外大灘乾隆三年邑人蕭嵩

江都縣志

卷之五

學校

三

建舍宇甚做潔規制亦脩歲延師四人課徒百餘人郊野無艱於向學者嵩更捐已產三百七十畝供學舍膏火諸費俾可要之久遠有司為繪圖上其事

西門義學在城樓上雍正十三年知縣朱輝立以訓蒙附舊志所有書院義學今分屬甘泉境內者

安定書院

在舊城烏衣巷口大街康熙初巡鹽御史胡文學建祀宋儒胡瑗久而漸圯雍正間

巡鹽御史尹會一改建增宏麗焉有

崇雅書院

在廣儲門

外建自明巡鹽御史朱廷立後郡守吳秀即其遺址葺為平山別墅繼亦漸圯存做屋數楹而已

國朝雍正間郡丞劉重選倡教造士其中邑士馬曰瑄樂贊之獨力重建名梅花書院今稱甘泉書院

謝公書院

在邵伯鎮祀晉太傅安

虹橋書院

在北門外康熙間兩江總督于成龍

御書經術

建寧郡士肄業其
中今廢舊志失編
甘泉義學
在邵伯鎮康熙
間鎮士民公建

江都縣志

卷之五

學校

三